

BOSNA I HERCEGOVINA
FEDERACIJA BOSNE I HERCEGOVINE
PARLAMENT FEDERACIJE
DOM NARODA
Broj: 02-02-1858/11
Sarajevo, 11.1.2012. godine

Z A P I S N I K
6. VANREDNE SJEDNICE DOMA NARODA PARLAMENTA
FEDERACIJE BOSNE I HERCEGOVINE, održane 11. januara 2012.
godine

Sjednica je počela u 11.50.

Sjednici je predsjedavala Karolina Pavlović, predsjedavajuća Doma naroda Parlamenta Federacije BiH.

Na početku sjednice predsjedavajuća je pozdravila delegate, predsjednika Federacije Bosne i Hercegovine Živka Budimira, premijera Federacije Bosne i Hercegovine Nermina Nikšića, zamjenika premijera Desnicu Radivojevića, ministre u Vladi Federacije, ministricu Branku Đurić, predstavnike nevladinih organizacija, predstavnike akreditiranih medijskih kuća koji prate rad sjednice i goste.

Na osnovu evidencije Stručne službe, predsjedavajuća je konstatovala da sjednici prisustvuju 54 delegata, što čini većinu, te Dom naroda može raditi i punovažno odlučivati.

Predsjedavajuća je obavijestila delegate da je Vlada Federacije Bosne i Hercegovine dostavila Prijedlog Budžeta Federacije BiH za 2012. godinu i Prijedlog Zakona o izvršavanju Budžeta Federacije BiH za 2012. godinu sa prijedlogom da se razmatraju po hitnom postupku, te je pozvala delegate da se izjasne da li prihvataju da se ovi akti razmatraju po hitnom postupku.

Radoje Vidović, predsjednik Kluba delegata hrvatskog naroda, ispred Kluba predložio je da se kao 1. tačka dnevnog reda uvrsti usvajanje Odluke o privremenom finasiranju Federacije Bosne i Hercegovine za period januar – mart 2012. godine, a da se predložene 1. i 3. tačka - Prijedlog Budžeta Federacije BiH za 2011. godinu i Prijedlog Zakona o izvršavanju Budžeta

Federacije BiH za 2011. godinu - pretvore u nacrt, odnosno vrate u redovnu proceduru.

Na osnovu rezultata glasanja, predsjedavajuća je konstatovala da prijedlog Kluba delegata hrvatskog naroda nije dobio potrebnu većinu jer su za glasala 22 delegata, četiri su bila uzdržana a 23 delegata su bila protiv.

Potom je predsjedavajuća stavila na glasanje prijedlog da se Prijedlog Budžeta Federacije Bosne i Hercegovine za 2012. godinu razmatra po hitnom postupku.

Na osnovu rezultata glasanja, predsjedavajuća je konstatovala da je Dom naroda Parlamenta Federacije Bosne i Hercegovine, sa 31 glasom za, uz 19 glasova protiv i dva uzdržana glasa, prihvatio da se Prijedlog Budžeta Federacije Bosne i Hercegovine za 2011. godinu razmatra po hitnom postupku.

Sa 32 glasa za, uz 14 glasova protiv i uz pet uzdržanih glasova, Predsjedavajuća je konstatovala da je Dom naroda Parlamenta Federacije Bosne i Hercegovine prihvatio da se Prijedlog Finansijskog plana Zavoda zdravstvenog osiguranja i reosiguranja Federacije Bosne i Hercegovine razmatra po hitnom postupku.

Sa 34 glasa za, uz 13 glasova protiv i uz šest uzdržanih glasova, Dom naroda Parlamenta Federacije Bosne i Hercegovine prihvatio je da se Prijedlog Finansijskog plana Federalnog zavoda za penzijsko i invalidsko osiguranje razmatra po hitnom postupku.

Predsjedavajuća je stavila na glasanje prijedlog da se Prijedlog Zakona o izvršavanju Budžeta Federacije Bosne i Hercegovine za 2012. godinu razmatra po hitnom postupku.

Sa 32 glasa za, uz 15 glasova protiv i uz četiri uzdržana glasa, predsjedavajuća je konstatovala da je Dom naroda Parlamenta Federacije Bosne i Hercegovine prihvatio da se Prijedlog Zakona o izvršavanju Budžeta Federacije Bosne i Hercegovine za 2012. godinu razmatra po hitnom postupku.

Budući da nije bilo drugih prijedloga za izmjenu i dopunu dnevnog reda, predsjedavajuća je konstatovala da je Dom naroda Parlamenta Federacije BiH, sa 33 glasa za, uz 16 glasova protiv i uz četiri uzdržana glasa, usvojio sljedeći:

DNEVNI RED

1. **Prijedlog Budžeta Federacije Bosne i Hercegovine za 2012. godinu – hitni postupak,**
 - a) **Prijedlog Finansijskog plana Zavoda zdravstvenog osiguranja i reosiguranja Federacije Bosne i Hercegovine za 2012. godinu – hitni postupak,**
 - b) **Prijedlog Finansijskog plana Federalnog zavoda za penziono i invalidsko osiguranje za 2012. godinu – hitni postupak;**
2. **Pregled planiranih kapitalnih projekata u Federaciji Bosne i Hercegovine za 2012. Godinu;**
3. **Prijedlog Zakona o izvršavanju Budžeta Federacije Bosne i Hercegovine za 2012. godinu – hitni postupak;**
4. **a) Korigovani Prijedlog Finansijskog plana (budžet) FERK-a za 2011.godinu,**
 - b) **Zahtjev FERK-a za kupovinu poslovnog prostora.**

Predsjedavajuća je zamolila delegate da amandmane zbog efikasnijeg rada dostave Stručnoj službi Doma naroda kako bi se prije izjašnjavanja o njima mogla izjasniti i Vlada Federacije. Također, predsjedavajuća je predložila da se obavi zajednička rasprava o tač. dnevnog reda 1. i 3. a izjašnjavanje obavi pojedinačno, što su delegati prihvatili.

- 1. Prijedlog Budžeta Federacije Bosne i Hercegovine za 2012. godinu**
- 3. Prijedlog Zakona o izvršavanju Budžeta Federacije Bosne i Hercegovine za 2012. godinu**

Prijedloge ovih akata dostavila je Vlada Federacije BiH zbog razmatranja i usvajanja.

Predsjedateljica je podsjetila delegate da su uz Prijedlog Budžeta dostavljeni Prijedlog Finansijskog plana Zavoda zdravstvenog osiguranja i reosiguranja Federacije Bosne i Hercegovine za 2012. godinu i Prijedlog Finansijskog plana Federalnog zavoda za penzijsko i invalidsko osiguranje za 2012. godinu.

Predstavnički dom je na 5. vanrednoj sjednici od 10. januara 2012. godine usvojio Prijedlog Budžeta Federacije Bosne i Hercegovine za 2012. godinu sa amandmanom koji je Vlada Federacije prihvatila pa je postao sastavni dio Prijedloga Budžeta. Tom prilikom usvojen je i Zaključak.

Amandman glasi:

“U Prijedlogu Budžeta Federacije za 2012. godinu član 6. se briše.”

Predstavnički dom je na 5. vanrednoj sjednici od 10. januara 2012. godine usvojio Prijedlog Zakona o izvršavanju Budžeta Federacije Bosne i Hercegovine za 2012. godinu sa amandmanom koji je Vlada Federacije prihvatila na sjednici Predstavničkog doma, pa je postao sastavni dio Prijedloga Zakona.

Amandman glasi:

“U članu 31. Prijedloga Zakona iza riječi “Vlada” umjesto tačke piše se zarez i dodaju riječi: “uz prethodno mišljenje nadležnog parlamentarnog odbora”.

Na Prijedlog Budžeta amandman koji se odnosi na ekonomski kod 721200 zajednički su podnijeli Salko Selman i Amel Hadžiabdić dok su Radoje Vidović i Karolina Pavlović posebno podnijeli amandman na ekonomski kod 721200.

Drago Puzigaća podnio je dva amandmana na ekonomske kodove 614200 i 614100.

Slobodan Tomić podnio je amandman na ekonomski kod 614400.

Esad Bašagić podnio je amandman na ekonomski kod 615400.

Radoje Vidović podnio je amandman na ekonomski kod rashodovne strane, razdjel 11 koji se odnosi na ured predsjednika i potpredsjednika Federacije.

Klub delegata hrvatskog naroda podnio je amandman na ekonomske kodove 721200 i 721111.

Klub delegata srpskog naroda podnio je amandman na ekonomski kod 614200.

Prijedlog Budžeta obrazložili su premijer Federacije Nermin Nikšić i federalni ministar finansija Ante Krajina.

Izveštaj Odbora za ekonomsku i razvojnu politiku, finansije i budžet obrazložio je predsjednik Odbora Salko Selman.

U raspravi su učestvovali: Amir Zukić, predsjednik Kluba delegata bošnjačkog naroda, Mira Ljubijankić, predsjednica Kluba delegata srpskog naroda, koja je zatražila pauzu kako bi se Klub izjasnio da li ostaje pri podnesenom amandmanu na prijedlog Budžeta.

Nakon pause, Mira Ljubijankić izjavila je da Klub povlači svoj amandman, ali je zatražila da se zaduži Vlada Federacije, odnosno Federalno ministarstvo raseljenih lica i izbjeglica da svaka tri mjeseca izvještava Dom naroda o utrošku i raspodjeli sredstava namijenjenih povratnicima i raseljenim licima.

U nastavku rasprave učestvovali su: Dževad Rađo, Ivo Tadić, Zahid Bašić, Branislav Crnogorac, Josip Perić, Mira Jurić, Radoje Vidović, predsjednik Kluba delegata hrvatskog naroda, Elvira Abdić-Jelenović, Ante Krajina, federalni ministar finansija, Hajrudin Bećirović, Adnan Jupić, Mustafa Kurtović, Desnica Radivojević, zamjenik premijera Federacije, koji je izjavio da Vlada Federacije ne prihvata podnesene amandmane a da prihvata Zaključak Kluba delegata srpskog naroda, Amel Hadžiabdić, Damir Mašić, federalni ministar obrazovanja i nauke, Salko Selman, Zijat Mušić i Zukan Helez, federalni ministar za pitanja boraca i invalida odbrambeno-oslobodilačkog rata.

Ante Krajina, federalni ministar finansija, obrazložio je Pregled planiranih kapitalnih projekata u Federaciji Bosne i Hercegovine za 2012. godinu i izjavio da on čini sastavni dio Prijedloga Budžeta za 2012. godinu. Podsjetio je delegate da je Prijedlog Finansijskog plana Zavoda zdravstvenog osiguranja i reosiguranja Federacije Bosne i Hercegovine za 2012. godinu usklađen sa Prijedlogom Budžeta za 2012. godinu, dok Prijedlog Finansijskog plana Federalnog zavoda za penzijsko i invalidsko osiguranje za 2012. godinu nije usklađen te je Vlada Federacije zadužila Federalni zavod za penzijsko i invalidsko osiguranje da uskladi iznos sredstava u svom planu sa Budžetom za 2012. godinu.

Nakon rasprave predsjedavajuća je pozvala podnosiocima amandmana da se izjasne da li ostaju pri podnesenim amandmanima budući da Vlada Federacije nije prihvatila nijedan amandman.

Daliborka Milović i Drago Puzigaća izjavili su da odustaju od svojih amandmana.

Budući da ostali podnosioci amandmana nisu odustali od svojih amandmana, predsjedavajuća ih je stavila na glasanje i konstatovala:

- amandman Esada Bašagića koji se odnosi na ekonomski kod 615400, nije dobio potrebnu većinu glasova jer je za glasalo 15 delegata, 14 delegata je bilo uzdržano i 21 delegat je bio protiv,
- amandman Radoja Vidovića, Amela Hadžiabdića, Karoline Pavlović i Salke Selmana koji se odnosi na ekonomski kod 721200, nije dobio potrebnu većinu glasova jer su za glasala 22 delegata, 15 delegata je bilo uzdržano i 17 delegata je bilo protiv,
- amandman Slobodana Tomića koji se odnosi na ekonomski kod 614400, nije dobio potrebnu većinu glasova jer je za glasalo 13

delegata, 15 delegata je bilo uzdržano i 22 delegata su bila protiv,

- amandman Kluba delegata hrvatskog naroda koji se odnosi na ekonomske kodove 721200 i 721111, nije dobio potrebnu većinu glasova jer je za glasalo 20 delegata, 16 delegata je bilo uzdržano i 17 delegata je bilo protiv.

Budući da je Mirko Batinić izrazio sumnju u rezultate glasanja pristupilo se pojedinačnom glasanju koje je obavio sekretar Doma naroda Izmir Hadžiavdić.

Na osnovu rezultata poimeničnog glasanja, predsjedavajuća je konstatovala da amandman Kluba hrvatskih delegata nije dobio potrebnu većinu glasova jer su za glasala 22 delegata, 26 delegata je bilo uzdržano i sedam delegata je bilo protiv.

Amandman Radoja Vidovića koji se odnosi na ekonomski kod rashodovne strane, razdjel 11 koji se odnosi na ured predsjednika i potpredsjednika Federacije nije dobio potrebnu većinu glasova.

Radoje Vidović izrazio je sumnju u rezultate glasanja pa se pristupilo pojedinačnom glasanju koje je obavio sekretar Doma naroda Izmir Hadžiavdić.

Na osnovu rezultata poimeničnog glasanja, predsjedavajuća je konstatovala da amandman Radoja Vidovića nije dobio potrebnu većinu glasova jer su za glasala 22 delegata, 24 delegata su bila uzdržana i devet delegata je bilo protiv.

Nakon toga predsjedavajuća je stavila na glasanje Prijedlog Budžeta Federacije za 2012. godinu.

Na osnovu rezultata glasanja, predsjedavajuća je konstatovala da je Dom naroda Parlamenta Federacije Bosne i Hercegovine, sa 35 glasova za, uz 16 glasova protiv i uz tri uzdržana glasa, usvojio Prijedlog Budžeta Federacije za 2012. godinu sa Pregledom planiranih kapitalnih projekata u Federaciji Bosne i Hercegovine za 2012. godinu.

Dom naroda je, sa 34 glasa, uz 15 glasova protiv i uz četiri uzdržana glasa, usvojio sljedeći:

ZAKLJUČAK

Dom naroda Parlamenta Federacije Bosne i Hercegovine obavezuje Vladu Federacije Bosne i Hercegovine da najmanje 10% sredstava

predviđenih za poticaj poljoprivrede u 2012. godini usmjeri za održivi povratak u Republiku Srpsku.

a) Prijedlog Finansijskog plana Zavoda zdravstvenog osiguranja i reosiguranja Federacije Bosne i Hercegovine za 2012. godinu

Sa 36 glasova za, uz osam glasova protiv i uz osam uzdržanih glasova, Dom naroda Parlamenta Federacije Bosne i Hercegovine donio je Odluku o davanju saglasnosti na Finansijski plan Zavoda zdravstvenog osiguranja i reosiguranja Federacije Bosne i Hercegovine za 2012. godinu.

b) Prijedlog Finansijskog plana Federalnog zavoda za penziono i invalidsko osiguranje za 2012. godinu

Sa 38 glasova za, uz sedam glasova protiv i uz sedam uzdržanih glasova, Dom naroda Parlamenta Federacije Bosne i Hercegovine donio je Odluku o davanju saglasnosti na Finansijski plan Federalnog zavoda za penziono i invalidsko osiguranje za 2012. godinu, uz sljedeći:

ZAKLJUČAK

Dom naroda Parlamenta Federacije Bosne i Hercegovine zadužuje Federalni zavod za penzijsko i invalidsko osiguranje da iznos sredstava planiranih u Finansijskom planu za 2012. godinu uskladi sa iznosom sredstava planiranih u Budžetu Federacije Bosne i Hercegovine za 2012. godinu.

Nakon toga glasalo se o Prijedlogu Zakona o izvršavanju Budžeta Federacije Bosne i Hercegovine za 2012. godinu.

Sa 37 glasova za, uz 12 glasova protiv i uz dva uzdržana glasa, Dom naroda Parlamenta Federacije Bosne i Hercegovine usvojio je Prijedlog Zakona o izvršavanju Budžeta Federacije Bosne i Hercegovine za 2012. godinu.

4. a) Korigovani Prijedlog Finansijskog plana (budžet) FERK-a za 2011. godinu

b) Zahtjev FERK-a za kupovinu poslovnog prostora

a) Korigovani Prijedlog Finansijskog plana (budžet) FERK-a za 2011. godinu

Predstavnički dom je na 8. sjednici od 21. decembra 2011. godine usvojio Korigovani Prijedlog Finansijskog plana (budžet) FERK-a za 2011. godinu.

Plan su razmatrala nadležna radna tijela i dostavila izvještaje.

U raspravi nije niko učestvovao.

Sa 39 glasova za, uz šest glasova protiv i uz pet uzdržanih glasova, Dom naroda Parlamenta Federacije Bosne i Hercegovine je usvojio Korigovani Prijedlog Finansijskog plana (budžet) FERK-a za 2011. godinu.

b) Zahtjev FERK-a za kupovinu poslovnog prostora

Predstavnički dom je na 8. sjednici od 21. decembra 2011. godine donio Odluku o odobravanju zahtjeva FERK-a za kupovinu poslovnog prostora.

Zahtjev su razmatrala nadležna radna tijela i dostavila izvještaje.

U raspravi nije niko učestvovao.

Sa 38 glasova za, uz šest glasova protiv i uz osam uzdržanih glasova, Dom naroda Parlamenta Federacije Bosne i Hercegovine donio je Odluku o odobravanju zahtjeva FERK-a za kupovinu poslovnog prostora.

Sjednica je završena u 18.11.

* * *

Transkript sjednice čini sastavni dio Zapisnika.

SEKRETAR

Izmir Hadžiavić

PREDSJEDAVALA

Karolina Pavlović, prof.